

異北

戶

物錄

附校勘記

志





異物志

楊曾
孚釗
撰輯

叢書集成
初編

主編者
王雲五

商務印書館發行

編主五雲王

編初成集書叢

種一他其及志物異

中華民國二十五年十二月初版

餘

發行人

王

上海河南路

五

印刷所

商

上海河南路
務印書館

發行所

商

上海及各埠
務印書館

本館據嶺南遺書
本排印初編各叢
書僅有此本

異物志

漢 南海楊 孚孝元撰

清 南海曾 釗勉士輯

金鄰一名金陳。去扶南可二千餘里。地出銀。人民多好獵大象。生得乘騎。死則取其牙齒。御覽七百九十

穿胸人。其衣則縫布二尺。幅合兩頭。開中央。以頭貫穿。胸不突穿。御覽七百九十

西屠國。在海水。以草漆齒。用白作黑。一染則歷年不復變。一號黑齒。御覽七百九十

按海水疑當作海外。漆齒當作染齒。御覽黑齒國下引異物志曰。西屠染齒。亦以放此也。可證此漆爲染之譌。

狼臙國。男無衣服。女橫布帷。出與漢人交易。不以晝市。暮夜會。俱以鼻嗅金。則知好惡。御覽七百九十

按狼臙疑與藝文類聚事類賦引狼臙爲一。然臙御覽音燕。又似別爲一國。故並存之。

雲人齒及目甚鮮白。面體異黑若漆。皆光澤。爲奴婢。強勤力。

御覽七百九十。

雕題國。畫其面皮。身刻其肌而青之。或若錦衣。或若魚鱗。

御覽七百九十。

烏滸。南蠻之別名。巢居鼻飲。射翠取毛。割蚌求珠爲業。無親戚。重寶貨。賣子以接衣食。若有賓客。易子而

烹之。

太平寰宇記一百六十四。

烏滸。南夷別名也。其落在深山之中。其種族爲人所殺。則居其死所。且同殺主。若有過之者。是與非則仇

而殺之。

文選吳都賦劉涓子注。

狼臚民。與漢人交關。常夜市。以鼻鑲金。知其好惡。

事類賦九。

按藝文類聚卷八十三引。常夜市句。作常夜爲市。

扶南國。昔但作大扇。遣人持之。不知人各自用也。

事類賦十四。

牂牁者。繫船筏也。其山在海中。小而高。似繫船筏也。俗人謂之越王牂牁。遠望甚小。而高不似山。望之以

爲一株樹在水中也。

御覽七百七十一。

按後漢書四夷傳注引作群舸繫船杙也。

漲海崎頭水淺而多磁石。徼外人乘大舶皆以鐵葉錮之。至此關以磁石不得過。

黃泰泉廣輿志二十四

黃頭人羣相隨行。無常居處。其類與禽獸同。或依大樹以草被其枝上。而庇陰其下。髮正黃如掃帚。見漢人散入草終不可得也。

御覽七百九十

僂耳夷生則鏤其頭皮。尾相連并。鏤其耳匡爲數行。與頰相連。狀如雞腹。下垂肩上。食蔬紡績爲業。

御覽七百

十。九

交趾有橘官。置長一人。秩三百石。主歲貢御橘。

海錄辟事二十二

按事類賦卷二十七引與此同。惟初學記卷二十引稱楊孚異物志今兩存之。

合浦民善游採珠。兒年十餘歲。使教入水。官禁民採珠。巧盜者躡水底刮蚌。得好珠吞而出。

藝文類聚八十四

錦鳥。文如丹地錦。而藻續牙交。俗人見其似錦。因謂之錦鳥。

初學記二十九

形微大於雉。其雌特有文章五色。甚

可愛。御覽七百二十八

按藝文類聚牙交作采文。

木客鳥大如雀。數千百頭爲羣。飛集有度。不與衆鳥相廁。人俗云木客白黃文者。謂之君長。有翼有綬。飛高而正赤者在前。謂之五伯。居前正黑者。謂之鈴下。綳色而頽雜者。謂之功曹。左脇有白帶似鞶囊者。謂之主簿。長次君後。其五曹官屬各有章色。廬陵郡東有之。御覽九百二十七

鷓鴣。不生卵而孕。雛於池澤間。又吐生。多者八九。少者五六。相連而出。若絲緒。水鳥而巢高樹枝。或在窟

穴之間。御覽九百二十五

按此條與陸佃埤雅稱楊孚異物志文字略同。

鷓鴣。巢於高樹顛。生子未能飛。皆銜其母翼。飛下地飲食。御覽九百二十五

鷓鴣。其形似雌雞。其志懷南。不思北。其名呼飛。但南不北。其肉肥美宜炙。可以飲酒爲諸膳也。御覽九百二十四

黃泰泉廣東志引作不思北徂。又其名呼飛。作其鳴呼飛。

鳥象雌雞。自名鷓鴣。其去懷南。不思北徂。黃泰泉廣東志五十四。

翠鳥。似鷺。翳赤而翠青。其羽可以爲飾。御覽九百二十四。

按章懷太子後漢書賈琮傳注。引楊孚異物志同。班彪傳注。引作可以飾幃帳。

翳。赤色。大於翠。文選李善注十三。

孔雀。形體既大。細頸隆背。似鳳凰。自背及尾。皆作員文。五色相繞。如帶千錢。文長二三尺。頭戴三毛長寸

以爲冠。足有距。栖遊岡陵。迎晨則鳴相和。御覽九百二十四。

孔雀。其大如雁而足高。毛皆有斑文。采捕得畜之。拍手則舞。御覽九百二十四。

鷓鴣。大如雄雞。色赤或黑。而能鳴。彈射取之。其肉香美。中作炙。御覽九百二十八。

苦鳥。聲如人音。多懷悽愴。海錄碎事二十二。

東北荒中有獸名獬豸。一角。性忠。見人鬪則觸不直者。續漢志劉昭注三十。

南方人以獼猴頭爲酢。

御覽九百一十

狢，獼類，露鼻，尾長四五尺，樹上居，雨則以尾塞鼻。建安臨海北有之，颺大如猿，肉翼若蝙蝠，其飛善從高集下，食火烟，聲如人號。一名飛生，飛生子故也。東吳諸郡皆有之。

文選五劉淵林注

獼然，猿狢之類，居樹，色青赤有文，日南九真有之。

文選五劉淵林注

獼，猿屬，頭形正方，髮長尺餘，皆蒼色，犬類似人，欲有所視，輒搖頭，兩手披髮，不爾則覆障其兩目，衣毛，蟠蟠若披狐裘，木居深藏，密伺乃得見耳。

御覽九百八

獼母狀如猿，逢人則叩頭，小打便死，得風還活。

廣韻一

交趾封溪有猩猩，夜聞其聲如小兒啼也。

文選五劉淵林注

鬱林大豬，一蹄有四五甲，多膏，買者以鐵錐刺其頭，入七八寸，得赤肉乃動。

御覽九百三

日南多駃牛，日行數百里。

太平寰宇記一百七十一

周留。加水牛也。毛青大腹。銳頭青尾。

初學記三十一

蒼毛豕身。角若擔矛。衛護其懷。與虎爲仇。

黃泰泉廣東志二十四

麋狼形似鹿而角觸前向。入林則挂角。故恆在平淺草中。逐入林則得之。皮可作履襪。角口口口口。南人因

以作踞牀。

初學記二十五

按入林則得之句。與御覽引同。廣韻作則搏之。角下缺字。後漢書南蠻西南夷傳注。作正四據三字。平淺草中。後漢書注有肉肥脆香美五字。因以作踞牀。後漢書注作因以爲牀。無踞字。

麋狼大如麋。角前向。有枝下出。反向上。長者四五尺。廣州有之。常居平地。不得入山林。

文選五劉淵林注

犀角中特有光耀。白理如線。自本達末。則爲通天犀。

東國太子注後漢書三

靈狸一體自爲陰陽。剝其水道連囊。以酒灑陰乾。其氣如麝。若雜真香。罕有別者。用之亦如麝焉。

大觀本草十七

白蛤狸。剝其外革囊。以酒灑而陰乾之。其氣如麝。若雜真麝中。鮮有別者。

御覽九百八十三

鼠母頭脚似鼠。毛蒼口銳。大如水牛。而畏狗。水田時有。外災起於鼠。

初學記三十一

高魚與鱖相似。與蜥蜴於水上相合。常以二三月。有雌無雄。食其胎殺入。

御覽九百四十

鯨魚長者有數十里。雄曰鯨。雌曰鯢。或死於沙上。得之者皆無目。俗言其目化爲明月珠。文選五劉淵林注。

朱厓有水蛇。鯨魚出合浦。長二三尺。背上有甲珠文。堅強可以飾刀口。可以爲鑑。文選五劉淵林注。

蘆鯢似鱸。而有細文。多膏。肥美。形大如蘆管。本出地中。隨泉浮出。俗名蘆鯢。御覽九百四十。

南方魚多不肥美。惟魴魚爲上。大者長二尺。作鱗炙。尤香而美。御覽九百四十。

懶婦魚。昔有懶婦。織於機中常睡。其姑以杼打之。恚死。今背上猶有杼文瘡痕。大者得膏三四斛。若用照書及紡織則暗。若以會衆寡歌舞則明。太平寰宇記一百六十五。

按海錄碎事引。與此文字略異。此引會衆寡歌舞句。似有誤文。當從海錄碎事作宴會歌舞。

鼉風魚。冬天數千萬頭。共處大窟中。藏上有白氣。或在鼉穴中。皮黑如漆。能潛知數里中空水所在。因風而入空水。化爲蝙蝠。其肉甚美。御覽九百四十。

鹿魚。頭上有兩角如鹿。初學記三十。

鮫魚皮可以飾刀其子驚則入母腹中

初學記三十

瑇瑁如龜生南海大者如簾蓆背上有鱗鱗大如扇有文章將作器則煮其鱗如柔皮

廣韻四

蝦種多蜨最大中作脯

御覽九百四十三

蚌似車螯潔白如玉

文選李善注十二

蠨蛸子如蠶子著草葉得其子母自飛來就之

廣韻一

玉出崑崙

大觀本草三

火齊如雲母重沓而可開色黃赤似金出日南

文選五劉涓子注

雲母一曰雲精入地萬歲不朽

文選李善注十三

榕樹栖栖長與少殊高出林表廣蔭原邱孰知初生葛藟之儔

御覽九百六十

木有摩廚生於斯調厥汗肥潤其澤如膏馨香馥郁可以熬膏彼州之民仰爲嘉肴

御覽九百六十

大觀本草卷二十二摩廚子引有生西域二月開花四月五月結實如瓜許凡十六字又馨香馥郁作馨香穉射仰爲嘉肴作仰以爲儲末又有斯調國名也句

斯調州有木名摩樹汁如脂

太平寰宇記一百六十四

按此疑卽上之摩廚特脫廚字耳

枳櫚櫟也皮可作索枸櫞樹也直而高其用與枳櫚同枳櫚出武陵山枸櫞出廣州木棉樹高大其實如酒杯皮薄中有如絲綿者色正白破一實得數斤廣州日南交趾合浦皆有之

文選五樹淵林注

木蜜名曰香樹生千歲根木甚大先伐偃之四五歲乃往看歲月久樹材惡者腐敗淮中節堅直芬香者

獨在耳

御覽九百八十二

大觀本草卷十二引蜜香蟲名其葉如椿

檳榔若筍竹生竿種之精硬引莖直上不生枝葉其狀若桂其顛近上未五六尺間洪洪腫起若瘰癧木焉因拆裂出若黍穗無花而爲實大如桃李又棘針重累其下所以衛其實也剖其上皮煮其膚熱而貫之

硬如乾棗。以扶留古實灰并食。下氣及宿食白蟲消殺。飲啖設爲口實。

齊民要術十。

檳榔樹若筍竹生竿。近上末五六尺間。洪腫起如蓮木焉。因拆裂出。若麥秀也。無華而爲實。大如桃李。天生棘重累其下。所以禦衛其實也。剖其上皮。煮其膚。熟而實之。堅如乾棗。以夫留古實并食。則滑美下氣。及宿食消殺。

藝文類聚
八十七。

按此與齊民要術引有詳略。故並存之。

古實灰牡蠣灰也。與扶留檳榔三物合食。然後善也。扶留藤似木防。以扶留檳榔所生相去遠。爲物甚異而相成。俗曰扶留檳榔可以忘憂。

齊民要術十。

椰樹高六七丈。無枝葉。如束蒲在其上。實如瓠繫。在於山頭。若挂物焉。實外有皮如胡盧核。裏有膚白如雪。厚半寸如豬膚。食之美於胡桃味也。膚裏有汁升餘。其清如水。其味美於蜜。食其膚可以不餓。食其汁則愈渴。又有如兩眼處。俗人謂之越王頭。

齊民要術十。

按文選吳都賦劉涓子注引作飲之可以禦渴。與此引文義正相反。

荔枝爲果多汁。味甘絕口。又小酸。所以成其味。可飽食。不可使厭。生時大如雞子。其膚光澤。皮中食乾則

醃小則肌核不如生時奇四月始熟也。御覽九百七十一

按齊民要術卷十引乾則醃作乾則焦。

廉實雖名三廉或有五六長短四五寸廉頭之間正巖以正月中熟正黃多汁其味少酢藏之益美。齊民要術

三廉大實實不但三食之多汁味酸且甘藏之尤好與果相參。黃泰泉廣東志二十三

枸櫞實如橘大如飯筥皮不香味不美可以浣治葛紵若酸漿。齊民要術十

按太平御覽引作皮有香與此文義大異。

橘樹白花而赤實皮馨香又有善味江南有之不生他所。齊民要術十

按藝文類聚八十引與此文少異。

橄欖生南海浦嶼間樹高丈餘其實如棗三月有花生至八月方熟甚香木高大難採以鹽擦木身則其

實自落。大觀本草

二十三